

**Aningaasaqarnermut Ataatsimiititaliap suliaq nr. 01.31.06/08-00371 pillugu sapaammi ulloq**

**21. september 2008-mi aalajangiinera pillugu Naalakkersuisunut ilisimatitsineq.**

(Naalakkersuisut ulloq 11. septem ber 2008-mi ataatsimiinnerani imm. 2g)

**Uummannami Aalisarnermut Piniarnermullu Ilinniarfiup qanoq issusaanik nalunaarsuinissamut pilersaarusiornissamullu aningaasaliissutinik atugassanngortitsinissaq**

Naalakkersuisut **inassutigaa**,

- kontomi pingaarnermi 80.00.00 Sanaartornermut atugassat agguanneqanngitsut, aningaasaliissutit 2.000.000 koruuninik ikilisinneqassasut

- kontomi pingaarnermi 84.40.09 Inuussutissarsiutitigut Ilinniartitaaneq, suliassamut nr. 150.51.015 Aalisarnermut Piniarnermullu Ilinniarfik, Uummannaq, aningaasaliissutit 2.000.000 koruuninik amerlineqassasut.

**Aningaasaqarnermut Ataatsimiititaliap oqaaseqaatai**

Kontomi pingaarnermi 80.00.00-imi, sanaartornermut atugassanut agguanneqanngitsunut tunngasumi, 8,5 mio. koruunit, Uummannami Aalisarnermut Piniarnermullu Ilinniarfimmu atugassanngortinneqarsimasut ilaatigut uninngasuutigineqarput. Ilinniarfiup illumi, A/S Inissiaatileqat igiiffik INI-mit tiguneqartumi, kiisalu kommunip eqqakkanik ikuallaavitoqaani, pilersinneqarnissaa eqqarsaatigineqarpoq.

2008-mi aningaasanut inatsimmi kontop pingaarnep 80.00.00-ip, Sanaartornermut atugassanut agguanneqanngitsunut tunngasup, takussutissiartaani Aalisarnermut Piniarnermullu Ilinniarfik kontop pingaarnep 84.40.12-ip, Ilinniarfissaliortitsinernut tunngasup, ataanut inissinneqarsimavoq. Suliassap kontomut pingaarnep 84.40.09-mut, Inuussutissarsiutitigut ilinniartitaanermut tunngasumut, atugassanngortinneqarnissaa qinnutigineqarpoq, suliassap eqqortumik inissiffissaa tassaniimmat.

Naalakkersuisut isummernissaannut tunngavissiaq una aqqutigalugu suliassami qanoq issutsimik nalunaarsuinissamut pilersaarusiornissamullu aningaasat atugassanngortinneqarnissaat qinnuteqaatigineqarpoq.

**Aningaasaqarnermut Ataatsimiititaliap aalajangiinera**

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua